

圓瑛法彙

一吼堂文集

王學仁敬署



圓瑛老法師德相

求福求慧求生淨土



念佛念法念侶僧伽

願消累劫諸
業待願得福
慧日增長願
盡此身出娑
婆願佛接引
生安養 辛巳

秋園瑛自題



一吼堂文集總目

弟子明陽敬集

請祖印老法師講經啓	一	南京改建三藏塔記	三
請通智老法師講經啓	一	廈門南普陀寺記	三
留天童寺寄禪方丈書	二	漳州南山寺請藏經記	四
重留天童寄禪方丈書	三	方城山羊角洞記	五
請從善和尚住持天童寺啓	四	濤音院永年蘭盆會記	六
請岐昌和尚住持七塔寺啓	五	方廣寺冬至義山餞口會田碑記	六
請本來和尚住持壽昌寺啓	五	鼓山癰院開浦碑記	九
韋馱神前卜選方丈禱告文	六	上海普濟寺化私爲公記	三
天童寺楞嚴泉碑銘并序	七	七塔寺病僧院記	三
天童寺舍利塔記	七	七塔寺普同塔記	三
藥師琉璃會碑記	八	古華老和尚紀念亭碑記	三
觀世音菩薩應現記	九	福州雪峯崇聖禪寺募緣啓	二五
吉隆坡觀音閣碑記	一〇	招寶山寶陀寺募緣啓	二六

重建大殿募裝金身緣啓	二七	上海圓明法施會緣啓	四一
塑羅漢諸天緣啓	二六	上海圓明蓮池會緣啓	四三
重修天王殿緣啓	二六	佛教放生會緣啓	四三
募建藏經閣緣啓	二九	蓮池放生會緣啓	四五
無量茅蓬募緣啓	三〇	泉州開元寺同戒錄序	四六
大九華山十方廣濟茅蓬募緣啓	三〇	鼓山湧泉寺千佛大戒同戒錄序	四七
水月庵茶會田緣啓	三一	南洋檳城極樂寺同戒錄序	四八
三寶經房募刻藏經緣啓	三一	南普陀性願法師六十壽戒開導	五〇
募刻賢首五教儀科註緣啓	三三	重刻楞嚴經序	五一
募刻法華經版緣啓	三五	傅慧江居士書華嚴經序	五三
南京佛教發刊辭	三五	熊棲蓮居士書華嚴經序	五四
七塔報恩佛學院創刊辭	三七	藥師淨土五經序	五四
上海圓明楞嚴專宗學院緣啓	三六	藥師經旁解序	五六
泉州開元慈兒院緣啓	三九	集印觀音經序	五六
馬來亞中華佛教徒賑荒會緣啓	四一	地藏菩薩九華垂蹟圖重印序	五七

重刻地藏經序	五	題扇楞嚴全經要旨	七
中國淨土教史序	五	題靈巖山妙法蓮華經金字塔	七
大乘起信論講義序	六	題佛說阿彌陀經圖	七
重刻阿難陀懺悔淫欲成道圖序	六	題十六觀經圖	七
菩提心文蓮宗法語集要合編序	六	題金剛經	七
重刻古尊宿語錄序	六	題藥王菩薩本事品	七
佛儒經頌序	六	題菩提達摩大師像	八
慈舟法師開示錄序	七	題樂慧斌居士樂道圖	八
大悲法師禪餘集序	六	題十八羅漢圖	八
揚東法師佛學初機序	六	題吾幼園詞	八
接待寺契簿序	六	題李母張太夫人八徽圖	八
天津佛教功德林往生助念團序	七	題周母陳太夫人紡織圖	八
自求多福序	七	敦煌石窟大唐藏經跋	八
信論	七	刻華嚴經後跋	八
衛生了生差別論	七	影印弘一法師書藥師經跋	八

圓瑛

憨山大師示奇小師法語遺墨跋

六

林文忠公行輿日課跋

六

顧明心居士手書金剛經

六

答唐智法居士所問三無性

六

復閩退之居士垂問禪淨二宗

九

頌藥師如來聖誕辭

三

定賢老和尚八秩壽頌辭

四

祝轉道老和尚六十耆婆天

六

虞鴻飛老居士七十壽言

六

江守權居士六十壽詞

七

顯親寺則悟禪師行述

六

印光大師像贊

九

南京毘盧寺芳田老和尚像贊

九

達修老和尚像贊

一〇〇

法弘化月刊創刊辭

一〇〇

世界提倡素食聚會十週紀念

一〇一

寧波佛教分都成立七週感言

一〇四

印光大師生西一週年感言

一〇四

印公大師西歸二週年紀念

一〇五

印公大師往生三週年紀念

一〇七

余了翁居士生西感言

一〇八

岐昌退居和尚祭文

一〇八

黃秀娘先生祭文

一〇九

蔣母慈靜吳孺人祭文

一一〇

雙泉庵廣印老和尚壙銘

一一一

張子揚先生墓誌銘

一一三

顧母周太夫人墓誌

一一三

宗回胡公暨德配鄭孺人墓誌

一一五

一吼堂文集

弟子芬陀利子明暘 敬集

請祖印老法師講經啓

伏以

法雲瓊蘂，覆世界之三千；

慧日圓明，照須彌於萬億。妙悟大乘的旨，精通了義真詮。恭維

祖印老法師，得正知見，具大辯才，解行雙圓，名稱普聞。爲法門之砥柱，作
教海之津梁；啓瞶發聾，直示楞嚴性定，指迷破執，洗蕩凡小物情。久仰

道風，未沾法雨，恆切瞻依之念，時殷企慕之私。茲奉 慈老和尚慈命，明夏
廣啓獅筵，恭迎

象馭，宣演楞嚴經，指示如來藏，其體則不變隨緣，其用雖隨緣不變，庶使法
流瀾漫甬江，慧炬騰輝七塔。惟冀默然允許，以慰下情，屆期振錫光臨，不勝
切禱之至！

請通智老法師講經啓

伏以

義天高朗，懸智日以輝煌；

性海汪洋，涌慈波而浩蕩。羣沾潤澤，咸荷照臨。

恭維

通智老法師，識量高遠，智慧洪深，禪淨兼脩，行願雙妙，徹法流之源底，窮教海之波瀾；助佛轉輪，高建法幢於處處，利生闡教，廣破疑網於重重。接引羣迷，同趣蓮池勝會，提攜衆賸，咸登華藏玄門，以大願懷，運大悲之利濟，具無礙辯行無畏之法施，薄海咸欽，空門是賴。敝寺兩荷

慈光，多承 惠澤。今欲明夏廣啓華筵，恭迎

蓮駕，處法空之座，演疏鈔之文，大振極樂舊家聲，重揭廬山真面目；指惟心淨土，使息趣外奔馳，示自性彌陀，俾克從中薦取；轉五濁惡世，現成九品蓮邦，導十念衆生，頓越三祇劫海。惟願悲合同體，慈運無緣，允許下情，屆期光臨，無任懇禱之至！謹啓。

留天童寺寄禪方丈書

夫荷擔大法，須有龍象之力；

演唱真宗，必具人天之眼。恭維

現任天童大和尚，行苞四忍，菩提之樹早花，德茂三空，甘露之雲廣布。昔在南嶽磨磚，曾傳七祖之衣，滙山牧牯，深入大圓之室。力宏宗教，六坐道場。遠放三湘之棹，來開太白之雲。重振禪綱，高提祖印。降魔伏怨，截妄續真。夫非福慧莊嚴，行解相應者，孰能獲於斯之殊勝也歟？茲者雖三年之期將滿，而四衆之緣猶深；況當此魔強法弱之日，尤賴道高德重之人。爲此公懇大慈，法輪再轉，慧日重輝，俯順羣情，以慰衆望，則名山幸甚！祖庭幸甚！

重留天童寄禪方丈啓

伏以

福慧二嚴，不愧人天師範；

道臘俱長，堪稱江浙靈光。恭維

現任天童寄禪大和尚，德重佛門，功高禪苑。提携上進，固是杜口毘耶；接引下根，不惜眉毛拖地。利生不倦，濟物有方。駕三楚之慈雲，雨四明之惠澤。重光祖印，丕振宗風。挽禪河旣倒狂瀾，作法海中流砥柱，百廢俱舉，衆

譽交馳。茲雖六載將周，三緣猶足；況當此佛門秋晚，外侮沓來，非賴哲人，曷勝重任？爲此公懇

玄津重柵，慧炬常然。伏乞

大慈，俯順羣情，續任一任，默然允許，以慰衆望，則名山幸甚！大衆幸甚！

請從善和尚住持天童寺啓

伏以

慈雲灑豔，祥開太白山前；

慈日輝煌，瑞應清關橋上。景非無因而設，事必有待而昌。茲天童古刹

，浙江名藍。玲瓏花雨靄春風，雄麗樓臺騰碧漢，滿門後學，渴慕

宗風；閣院耆宿；仰瞻

道範。恭維

從善大和尚，戒品孤高，禪理精徹，祖庭重器，法苑網維。宜作人天師範，堪爲法海津梁。衆等多生慶幸，一旦奇逢。

今既得仰於慈光，將來定沾於法雨。惟冀

金錫早降，寶杖遄臨！騰慧日於康衢，靄祥雲於覺苑。一誠感格，合衆瞻依。臨穎不勝，翹企之至！謹啓。

請岐昌和尚住持七塔寺啓

伏以

克紹眞宗，必假法王之子；

欲擔大法，須求宗匠之人。恭維

岐昌法兄大和尚，解行雙圓，智悲並運。夙植菩提之種，久脩般若之因。雲蓋一方，密敷道化，不離兩浙，徧透禪關。德茂三空，心明二諦。同入報恩之室，獨得臨濟之宗。緇素咸欽，譽望隆于各界；弟兄交讚，道行邁乎同倫。茲者時機既至，因緣現前，請轉法輪，繼老人未竟之志；高提祖印，慰大衆久慕之衷。惟冀俯順輿情，默然允許，現身度世，以法利生。不勝懇禱之至！

請本來和尚住持壽昌寺啓

伏以

棒喝頻施，直指西來祖意；

機鋒相扣，遠承南嶽宗風。德望山崇，法流源潤。恭維

本來大和尚，化導爲懷，闡揚是務。昔在雪山卓錫，重振頽綱，七塔開爐，大弘法席。爲士紳之共仰，統緇素以咸欽。今有本郡壽昌禪寺，建自晉朝，盛于唐宋，爲四明古刹，洵兩浙叢林，代出高人，疊垂聖蹟。迄今年湮代遠，梵宇蕭條。某等撫今思昔，目擊神傷。欲冀斗轉星移，共睹再興之象；鐘鳴鼓振，堪追鼎盛之風。故特具書，恭請住持。庶使山門日盛，海衆雲臻。挽既倒之狂瀾，揭中天之慧日，重光法印，大振宗風。不勝急切懇禱之至！

七塔寺韋馱菩薩前卜選方丈禱告文

伏以十劫童眞，內祕菩薩之行；三洲感應，外現將軍之身。仰叩 天慈，俯垂昭鑒！爰有七塔報恩禪寺衆等至誠叩禱，護法韋馱尊天菩薩座前。切念佛門秋晚，世道日非，欲期法化以昌隆，端在住持之選舉。人能宏道，道不遠人，不得其人，安云乎道？蓋荷擔大法，非驚馬之力所勝；運載羣生，豈羊鹿之車能事？必行解相應，宗說俱通，庶緇素咸欽，人天共仰。但某等肉眼罔知去取，初選五人。惟

天聰洞悉聖凡，重卜一位。伏願，不負靈山咐囑，衛教安僧。全憑天將威神，

摧邪輔正。三番拈卜爲定，一寺興敗所關。衆等無任懇禱之至！

天童寺楞嚴泉碑銘 並序

釋迦如來應世，二千九百四十一年，是夏浴佛後四日，天童寺主人，延瑛開講。大佛頂首楞嚴經全部玄文。於講堂之陰，濬一泉，擬曰楞嚴，請述數語以紀之。夫梵語首楞嚴者，華言一切事究竟堅固，卽所謂徹法底源，無動無壞，一切事不出四科七大，而水大居其一焉。性水真空，性空眞水，清淨本然，周徧法界。滄溟瀛渤，其性不增；原阜山厓，其性不減。如是見得，寸土不動，濬泉已竟，一泓冷然，澄瑩湛寂，可以留白雲之影，可以映明月之痕。去熱惱而獲清涼，滌識情而蠲塵垢，何莫非如來藏心妙用也歟？森羅萬象，海印同歸，不必向山色溪聲，更尋清淨身，廣長舌矣！銘曰：湛湛性水，清淨本然。是如來藏，不變隨緣。究竟堅固，曰楞嚴泉。觸境會心，妙定斯圓。

天童寺舍利塔記

夫法身常住，本無去以無來；舍利光明，時或隱而或顯。惟釋迦文佛，願切悲深，念末劫衆生，障重福薄，機薪旣盡，鶴樹潛輝，金棺自舉，繞拘尸羅城，寶炬不燃，入火光三昧，碎金剛身而爲舍利。譯骨身留人間世以作福田。

八王自捧金鑊，各國競建寶塔，迨阿育王之登極，造八萬四之浮圖，此舍利塔之所由來也。圓瑛前聞印度有僧，看守舍利寶塔，置瓶案上，至誠懇切以拜求，爲日既久，舍利從空而飛入，時來時去，倏有倏無，感應道交，神妙莫測。曾有檳榔嶼，極樂寺。本忠老和尚，欲探佛蹟，往詣月邦，虔禮舍利，請求供養，承贈廿一骨身，擬建五峯寶塔。圓瑛拾五年，講經南洋群島，駐錫極樂精藍，因辦開元慈兒院，思籌教養基本金，冀藉法施因緣，完成慈善事業。適逢本老和尚，正在建造寶塔，供奉十八舍利，永鎮千古道場，尙餘三顆，持贈於余，欣然拜受，頂禮通宵，夜半忽覩祥光，明晨瞻視，儼然四顆，信精誠之專注，故聖應以昭然。於是發心建塔，歷年未遇檀那。迨至民國庚午，被選住持本山，爰有浙江吳興信徒，顧邢明心，夙植靈根，久培德本，悲心遠大，志願恢宏，欲益無盡衆生，以成不朽功德。遂將建塔之事，勸請獨力捐資，爲作廣大福田，并可莊嚴佛刹，聞之欣諾！由是運石鳩工，經始於甲戌仲冬，落成於乙亥季夏，用記因緣於此，俾瞻禮斯塔者，知所由來也。

藥師琉璃會碑記

代智法師

夫自性智燈，輝天鑑地；大光明藏，耀古騰今。悟此者法燈常遍照，是謂

燃無盡燈，供無盡佛也。其或未明諦理，當策事脩，藥王爲法焚軀，施度圓滿；比丘燃指供佛，宿債畢酬。既身見不存，而我執自破。但身爲內財，捨者固難其人，財爲外物，施之自易其事。智圓欲脩十願五供之第三，用報四恩九有於萬一。雖不能強人捨身求菩提，自應勸人燃燈脩法供。由是合集信心，組成一會，名曰藥師琉璃會。遞年九月滿日，藥師如來，聖誕良辰，啓建道場，一晝夜功德，燃燈懸旛，禮懺施食。藉勝會之良緣，佈福田之善種，消災滅罪，益算延齡。伏願

佛光照燭，共出長夜之昏衢；智眼圓明，普矚大千之沙界。茲將在會芳名刊之貞石，碑垂不朽，昭示將來。

觀世音菩薩應現記

夫法身離相，本絕去來，妙應隨機，普門示現。菩薩從聞思脩，入三摩地，上合諸佛慈力，下同衆生悲仰，得二殊勝，發三妙用，三十二應，十四無畏，四不思議，一身不分而普現，萬機咸應以無違，自在成就，福備衆生，無作妙力，詎小智所能測度哉？余十九歲發心出家，至福州鼓山湧泉禪寺，見法堂內供一白磁觀音菩薩像，妙相莊嚴，迥非人力所製。惜衣間有一裂縫，不禁撫

膺太息！欲識原因，問一耆德，答曰：此像是菩薩自力所成，昔江西有一陶家，製磁爲業，一日裝白磁碗滿窯燒之，迨開窯不見磁碗，惟見菩薩像，卓立窯中，色相圓滿，光明晃耀，舉家歡喜，歎未曾有，遠近聞風，咸來瞻禮供養。一夕菩薩託夢於陶師，囑將其像送供福州鼓山。有司具奏其事，朝廷遣使欲請入宮供奉；是夕菩薩復託夢於寺主，曰：明日朝廷有使來山，欲將我像移供宮中，我願在山，汝可用小槌在我身衣一敲，以慰我願。黎明寺主依言持槌擊之，衣上裂一長縫，使至見有裂紋，用以奏聞，遂不移供焉。以後凡祈晴禱雨，迭彰靈應。至民國十六年，忽然不見，未知何往。今普陀佛頂山自文質老和尚重興以來，大開法席，而與前後寺成鼎足之勢，道風日振。一日大寮內，取水之大銅勺，銅柄上忽現全身，圓滿端嚴，初疑人畫。用水洗之，愈洗愈明，以布拭之，愈拭愈顯，令人生敬。文老和尚以菩薩垂慈，現希有事，我等自應生希有心，珍藏供奉，永鎮山門，囑余爲記。於是歡喜讚歎，敬敘菩薩大悲方便願力云爾。

南洋吉隆坡觀音閣碑記

竊以世尊三祇煉行，百劫脩因，福慧雙圓，智慧並運。時至機熟，則兜率

降神，感應道交，于毘耶誕跡，無非爲一大事因緣故，出現于世。迨白馬逾城，青山斷髮，六年脩苦行，餐麥飯以充饑，半夜覩明星，坐菩提而成道。由是悲心莫置，華嚴演一乘之音；大教難投，方便歷三時之漸。應機說法，爲實施權。直至法華開演，等賜醍醐，大事因緣，于茲始畢。我鼓山善慶老和尚，慧根夙植，宏誓在懷，乘大願輪，披精進鎧，不負靈山之囑，示生末法之秋。籍閩建甯官姓名家，父諱先瑞，母葉氏，甚愛之。迨至長成，卓爾抱不凡之志，飄然有出世之思，視富貴若浮雲，念人生如閃電。欲皈心法苑，揮手塵囂，割愛辭親，稟師祝髮。逕至鼓山湧泉禪寺，鶴峯老人，一見器之，乃爲拔荆，字曰善慶，派名常月。稟尸羅于妙蓮律師，得心印于古月宗師，法派復月，得法後，至檳城輔妙老人興建鶴山極樂禪寺，歷十數寒暑，不憚艱辛。癸卯年，請回鼓山宏傳大戒，座下徒衆千有餘指。甲辰春，有護法信女，葉門李氏，請住本閣。善公天性慈良，孝心純篤，雖捨俗出家，而於父母養育之恩，縈縈在念。屢思將俗資構一小院，奉祀師親香火，用報深恩。遇此因緣，適投本願，遂承接住持。後欲擴充規模，乃自傾囊鉢，添建廂房，創興後殿，經營四載，厥功告成。遠近聞風，口碑載道。建法幢於遐域，航寶筏于迷津。究亦乘願利生